

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Secvndæ Secvndæ Partis Volumen Secundum

**Thomas <von Aquin, Heiliger>**

**Romae, 1619**

Vtru[m] aggrauetur peccatum ex hoc quod pr[a]edictæ iniuriæ inferuntur  
in personas alijs co[n]iunctas? 4

**urn:nbn:de:hbz:466:1-38762**

## 130 QVÆST. LXV. ART. III.

Ad secundum dicendum, quod Deus quandoque secundum ordinem suæ sapientiæ peccatores cohiberet ne possint peccata implere, secundum illud Job 5. Qui dissipat cogitationes malignorum, ne possint implere munus eorum quod cœperant. Quâdoque verò eos permittit quod voluerint agere. Et similiter secundum humanam iustitiam, non pro qualibet culpa homines incarerantur, sed pro aliquibus.

Ad tertium dicendum, quod detinere hominem ad horam ab aliquo opere illico statim perpetrando, cuilibet licet: sicut cum aliquis detinet aliquem ne se precipitet, vel ne alium feriat. Sed simpliciter aliquem includere vel ligare, ad eum solum pertinet, qui habet disponere vniuersaliter de actibus & vita alterius: quia per hoc impeditur non solum à malis faciendis, sed etiam à bonis agendis.

## ARTIC. IV.

*Vtrum peccatum aggrauetur ex hoc, quod prædicta iniuria inferuntur in personas alijs coniunctas?*

367

**A**D quartum sic proceditur. Videtur, quod peccatum non aggrauetur ex hoc, quod prædictæ iniuriæ inferuntur in personas alijs coniunctas. Huiusmodi enim iniuriæ habent rationem peccati, prout documentum alicui infertur contra eius voluntatem. Sed magis est contra hominis voluntatem malum, quod in propriam personam infertur, quam quod infertur in personam coniunctam. Ergo iniuria illata in personam coniunctam est minor.

**¶ 2** Præterea, In sacra scriptura præcipue reprehenduntur qui pupillis & viduis iniurias inferunt. Vnde dicitur Ecclesiast. 35. Non despiciet preces pupilli, nec viduam, si effundat loquaciam gemitus. Sed vidua & pupillus non sunt persona alijs coniunctæ. Ergo ex hoc, quod infertur iniuria personis coniunctis, non aggrauatur peccatum.

**¶ 3** Præterea, Persona coniuncta habet propriam voluntatem, sicut & principalis persona. Potest enim

aliquid ei esse voluntarium quod est contra voluntatem principis personæ: ut patet in adulterio, quod placet vxori, & displicet viro. Sed huiusmodi iniuria habent rationem peccati, prout consistunt in voluntaria commutatione. Ergo huiusmodi iniuria minima habent de ratione peccati.

SED contra est, quod Deut. 21. ad quamdam exaggerationem dicitur, Filij tui, & filiæ tuæ tradentur alteri populo videntibus oculis tuis.

R E S P O N D E O dicendum, quod quanto aliqua iniuria in plures redundat, ceteris paribus, tanto grauius est peccatum: & inde est quod grauius est peccatum si aliquis percutiat principem, quam personam priuatam: quia redundat in iniuriam totius multitudinis, ut supra dictum est \*. Cum autem interficitur iniuria in aliquam personam coniunctam alteri, qualitercumque illa iniuria pertinet ad duas personas. Et ideo, ceteris paribus, ex hoc ipso aggravatur peccatum: potest tamen contingere, quod secundum aliquas circumstantias sit grauius peccatum, quod fit contra personam nulli coniunctam, vel propter dignitatem personæ, vel propter magnitudinem documenti.

Ad primum ergo dicendum, quod iniuria illata in personam coniunctam, minus est nociva personæ, cui coniungitur, quam si in ipsam immediate inferretur: & ex hac parte est minus peccatum. Sed hoc totum quod pertinet ad iniuriam personæ, cui coniungitur, superadditur peccato quod aliquis incurrit ex eo, quod aliam personam secundum se lædit.

Ad secundum dicendum, quod iniuria illata in viduas & pupilos magis exaggerantur: tum quia magis opponuntur misericordiae, tum quia idem non cumenrum huiusmodi personis inflictum, est eis grauius, quia non habent relevantem.

Ad tertium dicendum, quod per hoc quod vxor voluntariè consentit in adulterio, minoratur

1.2. q. 73  
art. 9.

1 2 qui-

quidem peccatum, & iniuria ex parte ipsius mulieris. Grauius enim esset si adulterio violenter eam oppimeret. Non tamen propter hoc tollitur iniuria ex parte viri: quia vxor non habet potestatem sui corporis, sed vir, ut dicitur ad Corinth. 7. Et eadem ratio est de similibus. De adulterio tamen, quia non solum iustitiae, sed etiam castitati opponitur, erit locus infra agendi\*, in tractatu de Tempore.

g. 154.  
ar. 8.

## QVÆST. LXVI.

*De peccatis iustitiae oppositis: & primò de furto,  
in nouem articulos diuisa.*

D EINDE considerandum est de peccatis iustitiae oppositis, per quæ inferrur nocumentum proximo in rebus, scilicet de furto & rapina.

¶ Et circa hoc queruntur nouem.

¶ Primo, utrum naturalis sit homini possessio exteriorum rerum?

¶ Secundo, utrum licitum sit, quod aliquis rem aliquam possideat quasi propriam?

¶ Tertio, utrum furtum sit occulta acceptio rei alienæ?

¶ Quarto, utrum rapina sit peccatum specie differentia à furto?

¶ Quinto, utrum omne furtum sit peccatum?

¶ Sexto, utrum furium sit peccatum mortale?

¶ Septimo, utrum liceat furari in necessitate?

¶ Octavo, utrum omnis rapina sit peccatum mortale?

¶ Nono, utrum rapina sit grauius peccatum, quam furtum?

## ARTIC. I.

*Utrum naturalis sit homini possessio exteriorum rerum?*

§ 68

*In cont. c. 22. fin. & 127. fin.* A D primum sic proceditur. Videlur, quod non sit naturalis homini possessio exteriorum rerum. Nullus enim debet sibi attribuere quod Dei est. Sed dominium omnium creaturarum est primum